

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA**

**Privremena komisija za izbor i imenovanja**

Broj: 02/6-02-316/20

Sarajevo, 13.02.2020. godine

**DOMU NARODA  
PARLAMENTA FEDERACIJE  
BOSNE I HERCEGOVINE**

Privremena komisija za izbor i imenovanja Doma naroda Parlamenta Federacije Bosne i Hercegovine, na 3. sjednici, održanoj 13. februara 2020. godine, razmatrala je:

- **Prijedlog odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine**

Na osnovu člana 51., a u vezi sa članom 60. Poslovnika o radu Doma naroda Parlamenta Federacije Bosne i Hercegovine, Privremena komisija za izbor i imenovanja podnosi Domu naroda sljedeći

**I Z V J E Š T A J**

Privremena komisija za izbor i imenovanje Doma naroda razmatrala je Prijedlog odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine koji su predložili predsjedavajući i potpredsjedavajući Doma naroda.

Članom 42. Poslovnika o radu Doma naroda propisano je: „U radno tijelo Doma naroda biraju se članovi iz reda delegata u Domu naroda. Predsjednik i zamjenik predsjednika radnog tijela biraju se iz reda članova radnog tijela s tim da ne mogu biti iz istog konstitutivnog naroda. Izuzetno, za članove Komisije za ustavna pitanja, Zakonodavno – pravne komisije i Komisije za jezička pitanja mogu biti imenovana lica iz reda stručnih, naučnih, kulturnih i javnih radnika, s tim da njihov broj ne može biti veći od jedne trećine ukupnog broja članova komisije. Broj članova radnih tijela određuje se prilikom izbora članova radnog tijela, s tim da komisije ne mogu imati više od sedam a odbori više od devet članova. U radna tijela Doma naroda bira se isti broj bošnjačkih, hrvatskih i srpskih delegata i odgovarajući broj delegata iz reda ostalih u Domu naroda. Radno tijelo čine, u pravilu, delegati iz svih klubova naroda, s tim da jedan delegat može, u pravilu, biti član u dva radna tijela.“

Članovi Privremene komisije za izbor i imenovanja su nakon razmatranja Prijedloga konstatovali da su ispunjeni uslovi propisani članom 42. Poslovnika o radu Doma naroda, te predlažu Domu naroda da donese Odluku o izboru predsjednika

zamjenika predsjednika i članova radnih tijela Doma naroda Parlamenta Federacije Bosne i Hercegovine onako kako su to i predložili predsjedavajući i potpredsjedavajući Doma naroda.

Prilog:

- Prijedlog odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine, broj: 02,02/a-05-312/20 od 13.02.2020. godine

**IZVJESTILAC PRIVREMENE  
KOMISIJE ZA IZBOR I IMENOVANJA**

Ivo Tadić